

# Politivedtekter for Vestnes kommune

## KAPITTEL I. Allmenne føresegner

§ 1 Offentleg stad

§ 2 Festar, brukar, leigar eller styrar av hus eller grunn

## KAPITTEL II. Orden på offentlig stad

§ 3 Ro og orden på offentlig stad

§ 4 Song og musikk, reklame m.m.

§ 5 Farleg eller skremmande verksemd

## KAPITTEL III. Sikring av ferdsel

§ 6 Hindringar

§ 7 Sport, leik

§ 8 Sperring av fortau m.m.

§ 9 Sprengingsarbeid

§ 10 Diverse arbeid

§ 11 Vedlikehald av bygningar m.v.

§ 12 Avvisarar

§ 13 Fjerning av sperrar

§ 14 Ferdslø på frose vatn eller sjø

## KAPITTEL IV. Reinhald på offentlig stad

§ 15 Fortau m.v.

§ 16 Snøfall og takras

§ 17 Avløp for vatn

## KAPITTEL V. Hindre tilgrising

§ 18 Hindre tilgrising o.l.

§ 19 Avfall

## KAPITTEL VI. Offentleg anlegg

§ 20 Kyrkjegard

## KAPITTEL VII. Dyr

§ 21 Husdyr m.m.

§ 22 Farlege hundar

§ 23 Bandtvang m.m.

§ 24 Sal, avliving o.a.

## KAPITTEL VIII. Arrangement på offentlig stad m.v.

§ 25 Søknapdplikt for arrangement på offentlig stad

§ 26 Meldeplikt for allment tilgjengelege arrangement utanfor offentlig stad m.m

## KAPITTEL IX. Born

§ 27 Offentleg dans e.l.

## KAPITTEL X. Diverse føresegner

§ 28 Forsøming av plikt

§ 29 Straff

## **KAPITTEL 1. Allmenne føresegner**

### **§ 1 Offentleg stad**

Med offentlig stad er i denne vedtekta meint gate, veg her medrekna fortau, sti, park, torg e.l., plass, bru, bryggje, kai, strand, anlegg eller anna stad der det er allmenn ferdsle eller som er bestemt for allmenn ferdsle.

### **§ 2 Festar, brukar, leigar eller styrar av hus eller grunn**

Skyldnad som er lagd på eigar av hus eller grunn, kviler også på den som fester, brukar, leiger eller styrer hus eller grunn.

## **KAPITTEL II. Orden på offentlig stad**

### **§ 3 Ro og orden på offentlig stad**

På eller like attmed offentlig stad må ingen vere med i oppstyr, samanstimling, larm eller bråk som skiplar den allmenne orden eller ferdsel.

Når mange menneske samlar seg nær inngangen til forsamlingslokale, sports plass, utsalsstad, stoppestad e.l. skal dei stå i kø og elles rette seg etter dei pålegg som politiet eller arrangøren gjev for å halde den allmenne orden eller for å regulere ferdsla.

### **§ 4 Song og musikk, reklame m.m.**

Den som på eller ut mot offentlig stad vil føre fram song eller musikk, skipa til framsyning eller gjere bruk av høgtalar, må på førehand gje melding til politiet.

Det same gjeld den som på eller nær offentlig stad ynskjer å dele ut eller spreie opprop, lysningar, reklame e.l., eller bruke gåande, køyrande eller flygande reklame.

### **§ 5 Farleg eller skremmande verksemd**

På, ut over eller like attmed offentlig stad er det forbode:

1. å skyte med gevær eller anna skytevåpen eller med boge, e.l.
2. å brenne av krutt, fyrverkeri eller sprengstoff utan at politiet har gjeve løyve.
3. å kaste eller sleppe stein, snøball eller anna som kan vere til skade eller ulempe for dei som ferdast der.

Det er forbode å bere ladd skytevåpen på offentlig stad.

## **KAPITTEL III. Sikring av ferdsla**

### **§ 6 Hindringar**

På eller ut over offentlig stad er det forbode å setje eller hengje noko som kan vere til hinder eller ulempe for ferdsla.

Markiser skal vere festa så høgt at underkanten minst er 2,5 m over bakken.

### **§ 7 Sport, leik**

Politiet kan sette forbod mot aking og andre former for sport, leik eller spel på bestemt offentlig stad der dette er påkrevd av omsyn til ferdsla eller den allmenne orden.

### **§ 8 Sperring av fortau m.v.**

Krev byggjearbeid e.l. at gate, veg eller anna offentlig stad vert heilt eller delvis sperra for ei avgrensa tid, lyt ein på førehand søkje løyve frå politiet. Politiet kan setje nærare vilkår for løyvet.

### **§ 9 Sprengingsarbeid**

Sprengningsarbeid på eller like attmed offentlig stad skal meldast til politiet på førehand. Politiet kan krevje særlege tryggingstiltak.

#### **§ 10 Diverse arbeid**

Reising, riving eller reparasjon av bygning, graving eller anna arbeid på eller ut mot offentleg stad der det kan bli fare for ferdsla, skal på førehand meldast til politiet. Politiet kan fastsette korleis arbeidsstaden skal sperrast og krevje andre tryggingstiltak til vern for publikum.

#### **§ 11 Vedlikehald av bygning m.v.**

Ved vedlikehald av bygningar m.v. på eller ut mot offentleg stad pliktar den ansvarlege for arbeidet å setje opp avvisarar som gjer det tydeleg at det er farleg eller til ulempe å ferdast der.

#### **§ 12 Avvisarar**

Når det er fare for at snø eller is kan falle ned frå hustak mot offentleg stad, skal eigaren straks sette opp avvisarar som gjer det tydeleg at det er farleg å ferdast der, og snarast syte for at taket blir rydda.

#### **§ 13 Fjerning av sperrar**

Sperringar, avvisarar, stige e.l. må takast bort når arbeid som nemnt i §§ 9, 10 og 11 er gjort eller når faren eller ulempen som er nemnt i § 12 ikkje lenger er til stades.

#### **§ 14 Ferdsle på frosne vatn eller sjø**

Politiet kan av tryggingssgrunnar sette forbod mot eller gje regulerande føresegner for ferdsle på vatn eller sjø som er frose.

### **KAPITTEL IV. Reinhald på offentleg stad**

#### **§ 15 Lys- og luftegraver**

Eigar av hus eller grunn mot offentleg stad pliktar å gjere reine lys- og luftegangar som er knytta til eigedomen.

Reinhaldet skal gjerast slik at det vert til minst mogleg ulempe.

Oppsop o.l. må ikkje leggjast i kloakksluk.

#### **§ 16 Snøfall og takras**

Eigar av hus eller grunn mot offentleg stad pliktar å rydde fortauet utanfor eigedomen for snø og is etter takras.

#### **§ 17 Avløp for vatn**

Eigar av hus eller grunn mot offentleg stad skal sørge for at avløp for vatn i fortau, rennestein, grøft e.l. vert halde ope.

### **KAPITTEL V. Hindre tilgrising**

#### **§ 18 Hindre tilgrising o.l.**

På, ut over eller like attmed offentleg stad er det forbode;

1. å kaste glas, flasker, spikar, papir, fruktskal eller anna avfall
2. å grise til med måling, tusj, sprayprodukter e.l. på noko overflate mot offentleg stad, under dette på eller ved bygning, gate, veg, park, anlegg, innretningar og framkomstmiddel
3. å hengje opp kunngjeringar, plakatar e.l. utan at politiet har tillete dette

Dette gjeld likevel ikkje oppslag på tavler e.l. som kommunen har godkjent til slikt bruk, eller oppslag på eigedom om tilhøve som berre høyrer eigedomen til eller næringsverksemda til dei som bur der.

Det er forbode å rive, skade eller skjemme oppslag som er lovleg sett opp.

Oppslag skal fjernast når dei er forelda.

#### 4. å urinere

##### § 19 Avfall

Den som driv med sal ved portrom, kiosk e.l., eller som driv anna liknande næringsverksemd på eller ut mot offentleg stad, skal syte for at området ikkje vert skjemt eller skitna til av verksemda, og pliktar å syte for at det blir sett opp mange nok med korger for papir og avfall. Den som arrangerer tilstelling på offentleg stad, skal syte for at papir og anna avfall blir fjerna etter arrangementet.

#### KAPITTEL VI. Offentleg anlegg

##### § 20 Kyrkjegard

På kyrkjegard er det forbode å sykle, ake eller drive sport, leik eller anna som ikkje sømer seg der.

Det er forbode å trengje seg inn på kyrkjegard når den er stengd for besøk.

Lause hundar må ikkje sleppast inn eller takast med på kyrkjegard.

#### KAPITTEL VII. Dyr

##### § 21 Husdyr m.m.

Det er forbode å la hest, storfe, sau eller geit gå laus på eller ved offentleg stad utan forsvarleg tilsyn. Dette gjeld ikkje i beiteområde.

Sirkusdyr eller ville dyr må ikkje førast på offentleg stad utan løyve frå politiet.

##### § 22 Farlege hundar

Politiet kan fastsette at hund som kan plage menneske eller dyr på offentleg stad, skal haldast i band eller ha munnkorg.

##### § 23 Bandtvang m.m.

1. På offentleg stad er det forbode å la tisper gå laus i løpetida.

2. Hund skal vere utstyret med halsband med namn og telefonnummer til eigaren.

3. Eigar eller den som har ansvar for hund pliktar straks å fjerne ekskrementa som hunden let etter seg på offentleg stad.

##### § 24 Sal, avliving o.a.

Politiet kan ta hand om hund som går laus i strid med føresegnene i §§ 23 og 24. Dersom eigar eller den som har hunden ikkje hentar hunden innan ei veke etter at han eller ho er varsla personleg eller ved lysing i pressa, kan politiet selje eller avlive hunden.

#### KAPITTEL VIII. Arrangement på offentleg stad m.v.

##### § 25 Søknadsplikt for arrangement på offentleg stad

Den som på offentleg stad vil lage til arrangement som hovedsakleg er av underhaldande, kunstnerisk, selskapeleg eller kommersielt slag, som har ein storleik som openbert vil føre til behov for omfattande reguleringar av ferdsla eller vakthald, må søkje politiet om dette innan 8 dagar før arrangementet.

Politiлова § 11 gjeld tilsvarende.

##### § 26 Meldeplikt for allment tilgjengelege arrangement utanfor offentleg stad m.m.

Den som vil lage til eit arrangement som er allment tilgjengeleg, må senda melding i god tid til politiet. Dette skal gjerast sjølv om arrangementet ikkje går føre seg på offentleg stad, når det er truleg at det vert naudsynt med polititilsyn for å sikre ro og orden eller avvikling av trafikken på grunn av storleiken på eller karakteren av arrangementet. Plikt til å melde frå gjeld òg samkome med dans eller anna tilstelning som overvegande er av selskapeleg eller underhaldande art for medlemmer av ei foreining eller liknande samanslutning.

Politolova § 11 gjeld tilsvarande.

### KAPITTEL IX Born

#### § 27 Offentleg dans e.l.

Born under 15 år har ikkje tilgjenge til offentleg dans eller liknande allment tilgjengeleg tilstelling utan at dei er saman med foreldre eller andre føresette.

### KAPITTEL X DIVERSE FØRESEGNER

#### § 28 Forsøming av plikt

Forsømmer nokon å utføre det vedkomande har plikt til etter vedtektene eller etter pålegg gjeve med heimel i vedtektene, kan politiet på vegne av vedkomande setje dette i verk. Den som har forsømt pliktene må dekkje utgiftene.

#### § 29 Straff

Brot på vedtekta eller pålegg gjeve i medhald av vedtekta, vert straffa etter politilova § 30 nr. 4, om ikkje tilhøvet kjem inn under strengare straffepåbod.

#### § 30 Iverksetjing

Denne vedtekta tek til å gjelde 1 måned etter at ho er stadfesta av Justis- og politidepartementet.

Politivedtekta for Vestnes kommune, stadfesta 16.02.1966, fell bort frå same tid.

[Tilbake](#)